

## 150 unipkaat 150-ni ukiuni: Kanadami tamaat, avikturhimanirni ukiuqtaqtunilu tutquumaviit pipkailigtut nutaamik qaritauyakkuuqtukkut takuyakhanik

Quviahuutigilugit 150-ningai nalliutiningani Kanadaup Katimalirutaani, Kanadami tamaat, avikturhimanirni, ukiuqtaqtunilu tutquumaviit - anginiqaqtuq havaqatigiiknirnik 14-ni havakviinni Kanadami -- pihimaligtut 150-nik piksanik unipkaaniklu tautuktuyut qanuqtut inuit aullaqpaktaa nunakput ukiuni, quliyuni ukiuni 100-nguyunilu ukiuni, turaangalluarniqarhuni havaangani akhaluutiyyuani-uiguliriiktaqtuni.

Una qaritauyakkuuqtuq tautuktakhaq, atilik *The Ties that Bind Canada (Katitirutauyut Kanadamik)* (<http://rbc.ca/tiesthatbind>), ilitturipkaiyuq unipkaanik hivulivutiptikni atatjutiyaiillu nunallaat pivallialiurnikkut ingilratjutikhatigtut pitjutuni nunami, tariurmi hikumilu.

Iniqhiania Kanadaup akhaluutiyyuani-uiguliriiktaqtuni ingilrayaarutikhainnik hulaqutigiyaanilu piliurutaani nunaptikni aullaqtitutiyuq uumani qaritauyakkut tautukhami, kihimi unipkaatuangungittuq. Uplumilu, aullaqtitjutait inungni tamayanilu ungahingniittuni nunani Kanadami pitjutilgit aallangakkuurutiqaarnikkut aallanilu ingilratjutikhaitigtut, ilaanilu ayurnaqqiaraluaqtilugu.

Kanadaup Nunaqaqqaahimayut Inungit hivulliyut nunami aullaqtiit niuvvaayiillu, piliuqpakhutik qanuriliurutikhanik aullaariami ungahiktuni nunani taimaatut nunamiutani hinaaniittunilu Nunavunmi talvani amigaittu ingilrayaat piliuqtauhimayut Inuinnarnin.

Una qaritauyakkuuqtukkut tautuktakhaq piliuqtauhimayuq tamainnun Kanadamiunnun quviahuutigiyakhaat, kihimi anginiqaqtuqlu aturutikhat ilihagtunun Kanadami ingilraangani pitjutainnik, ilihaiyunun, akhaluutiyyuanilu-uigulirriktaqtunilu aliagiyuni ingilranikkullu aliagiyuni.

Qunngiarniit piksanik ukunani ingilrayaani Kanadami inmigtut taimaa huliniyuq qinirhianikkut. Pulaaqtut uumunga *The Ties that Bind Canada* takuyakhamun arliguttakniaqtut anginiqpiangani ukiuqtaqtumi Inuinnarni ingilraayaaninni tahapkunuunaluunniit amigaittuni qanuqtun inuit aullaqpakninginni nunamiunirnin tariumiittunun. *The Ties that Bind Canada* tautuktauvikhaqtaqtuq 150-nik aallakkuurutivaktunik, aularaanginnaqpakhimayunik ayuirnirniklu atuqtakhanik aullaarnikkut humulliqaaq.

Taiguktakhat titiraqtauhimayut malruukni Kanadaup ilitariyauhimayuni uqauhingni, akhuurhainikkut Kanadamiut tamaani nunami iliharianginni nunallaamiknik, avikturhimanirmiknik Kanadamiklu.

Ilauyut uumani itqaumatjutikkut #Canada150 havaktauyukhami hapkuat Library and Archives Canada / Bibliothèque et Archives Canada, Yukon Archives, NWT Archives, Nunavut Archives Program, Royal British Columbia Museum and Archives, Provincial Archives of Alberta, Provincial Archives of Saskatchewan, Archives of Manitoba, Archives of Ontario, Bibliothèque et Archives nationales du Québec, Provincial Archives of New Brunswick, Nova Scotia Archives, Public Archives and Records Office of Prince Edward Island and The Rooms Provincial Archives Division, Newfoundland and Labrador.